1

0.0.1 vibhangasuttam

- 1. satipaṭṭhānañca vo bhikkhave, desissāmi satipaṭṭhānaṃ bhāvanañca satipaṭṭhānabhāvanāgāminiñca paṭipadaṃ. taṃ suṇātha. katamañca bhikkhave, satipaṭṭhānaṃ: idha bhikkhave, bhikkhu kāye kāyānupassī
 viharati ātāpī sampajāno satimā vineyya loke abhijjhādomanassaṃ. vedanāsu vedanānupassī viharati ātāpī
 sampajāno satimā vineyya loke abhijjhādomanassaṃ.
 citte cittānupassī viharati ātāpī sampajāno satimā vineyya loke abhijjhādomanassaṃ. dhammesu dhammānupassī viharati ātāpī sampajāno satimā vineyya
 loke abhijjhādomanassaṃ. idaṃ vuccati bhikkhave
 satipaṭṭhānaṃ.
- 2. katamā ca bhikkhave, satipaṭṭhānabhāvanā: idha bhikkhave, bhikkhu samudayadhammānupassī kāyasmim viharati ātāpī sampajāno satimā vineyya loke abhijjhādomanassam. vayadhammānupassī kāyasmim viharati ātāpī sampajāno satimā vineyya loke abhijjhādomanassam. samudayavayadhammānupassī kāyasmim viharati ātāpī sampajāno satimā vineyya loke abhijjhādomanassam.
- 3. samudayadhammānupassī vedanāsu viharati ātāpī sampajāno satimā vineyya loke abhijjhādomanassam. vayadhammānupassī vedanāsu viharati ātāpī sampajāno satimā vineyya loke abhijjhādomanassam. samudayavayadhammānupassī vedanāsu viharati ātāpī sam-

pajāno satimā vineyya loke abhijjhādomanassam.

- 4. samudayadhammānupassī cittasmim viharati ātāpī sampajāno satimā vineyya loke abhijjhādomanassam. vayadhammānupassī cittasmim viharati ātāpī sampajāno satimā vineyya loke abhijjhādomanassam. samudayavayadhammānupassī cittasmim viharati ātāpī sampajāno satimā vineyya loke abhijjhādomanassam.
- 5. samudayadhammānupassī dhammesu viharati ātāpī sampajāno satimā vineyya loke abhijjhādomanassam. vayadhammānupassī dhammesu viharati ātāpī sampajāno satimā vineyya loke abhijjhādomanassam. samudayavayadhammānupassī dhammesu viharati ātāpī sampajāno satimā vineyya loke abhijjhādomanassam. ayam vuccati bhikkhave, satipaṭṭhānabhāvanā.
- 6. katamā ca bhikkhave, satipaṭṭhānabhāvanāgāminī paṭipadā: ayameva ariyo aṭṭhaṅgiko maggo. seyyathīdaṃ: sammādiṭṭhi sammāsaṅkappo sammāvācā sammākammanto sammāājīvo sammāvāyāmo sammasati sammāsamādhi. ayaṃ vuccati bhikkhave, satipaṭṭhānabhāvanāgāminīpaṭipadāti.

bjt page 328

bjt page 330